

gloriam, et omnipotentiam divinæ Majestatis suæ; et per vi-ginti quatuor Seniores, qui in conspectu ejus incessabili voce laudant eum, dicentes: Sanctus, Sanctus, Sanctus. Exorcizo vos per sacratissimam Virginem Mariam, Reginam Angelorum bonorum, et per humilitatem, puritatem, et charitatem suam: anathematizo vos per sanctos Angelos et Archangelos, Thronos et Dominationes, Principatus et Potestates, Virtutes cœlorum, et Cherubim, et Seraphim. Conju-ro vos per sanctos Patriarchas, et Prophetas, Apostolos, Evangelistas, Martyres, et Confessores, Virgines, et Viduas, et per omnes Sanctos, et Sanctas Dei: ut illico exeat, et recedatis à creatura ista Dei, illam in sua pristina sa-nitate relinquentes, et numquam ad ipsam redeatis, sed fu-giatis in locum desertum, ubi nullam creaturam Dei molestare possitis.

Da honorem Deo, etc.

Iterum conjuro vos spiritus rebelles, et contumaces per hæc sancta Dei nomina Tetragrammaton, Alpha, et Omega, Soter, Emmanuel, Sabaoth, et ligo vos: ut amodo non lædatis, nec lædere possitis, aut molestare hanc creaturam Dei, sed fugiatis ab ea, eo modo, et conditione supradieta: alioquin in nomine Dei Patris, et Filii, et Spiritus Sancti conjuro, et impero Luciferi, et Beelzebub, Satanae, et omnibus furis infernalibus, ut statim, et sine mora contra vos insurgant, et ejicant à creatura ista in sempiternum, et ob inobedientiam vestram, præcipit vos in pro-fundum abyssi, et in stagnum ignis, et sulphuris, atque indis-pensabiliter affligant vos, omnibus cum pœnis infernalibus simul, nulla deficiente, usque in diem judicii, quod præstare dignetur Jesus-Christus Dominus noster, qui cum Pa-tre, et eodem Spiritu Sancto vivit, etc.

His adjurationibus addi, et misceri seu interponi possunt, Magnificat, ut supra pag. 294. Benedictus Dominus, pagina 177. Symbolum S. Athanasii: Quicumque, pag. 463, et Psalmi sequentes:

PSALMUS x: In Domino confido, pag. 473.

PSALMUS XII: Usquequo Domine, pag. 473.

PSALMUS XXI: Deus meus, Deus meus, pag. 471.

PSALMUS XXXIV: Judica Domine nocentes, pag. 467.

PSALMUS LXVII. Exurgat Deus, pag. 242.

PSALMUS LXIX. Deus in adjutorium, pag. 44.

Si autem id sufficiens non fuerit, curabit Exorcista per ali-quos dies orationi vacare cum devotione et humilitate, multum confidens in summa bonitate Domini, qui Pater est misericor-diарum.

Præceptum faciendum omnibus spiritibus remanentibus in cor-pore, cum necesse fuerint dimittere conjurationem.

Præcipio vobis omnibus spiritibus immundis, qui estis in hoc corpore, in nomine Simæ. Trinitatis Pa-tris, et Fi-lii, et Spiritus Sancti, et sub pœna immersionis in stagnum ignis et sulphuris per annos mille statim ab exitu vestro; quatenus non habeatis auctoritatem, seu potestatem as-cendendi superius ad caput, vel ad membra hujus creaturæ Dei, N. et ipsam lædendi: sed cogamini manere deorsum N., donec vocati fueritis à me, seu ab aliquo alio Exorcista: vel permissi à Deo ascendere ad honorem ipsius, ad salutem hu-jus creaturæ Dei, et ad confusionem vestram, vel augmen-tum pœnarum vestrarum, et sinatis ipsam orare, comedere, bibere, quiescere, et omnia illa agere, quæ spectant ad ho-norem Dei, et salutem animæ suæ. Et sicut Christus mortuus est, et descendens ad inferos, dixit: Attollite portas prin-ci-pes vestras, et elevamini portæ æternales, et introivit Rex gloriæ, et ibi ligavit superbissimum Luciferum: ita auctoritate, qua fungor, ligo vos in loco vobis assignato. In nomine Pa-tris, et Fi-lii, et Spiritus Sancti. Amen.

Aliud præceptum faciendum, cum ad aliam diem suspenditur Exorcismus.

Ergo maledicti diaboli omnes existentes in hac creatura, qui ob vestram superbiam à Deo permissam propter sua jussi-tissima judicia non cessatis à vexatione ejus, imperat vobis

Deus per ministerium nostrum, quod statim separemini ab omni loco, et membro corporis ejus, et in pollice sui pedis sinistri vestras vires ponatis, privantes eum omni sensu, indeque discedere nullo modo possitis, donec à me seu ab alio Exorcista solvamini.

(*Eos abigat cum stola, dicens*) : Ite maledicti in locum vobis assignatum, et date signum reclusionis vestræ levando corpus à terra.

(*Cum signum dent, dicat*) : Frenum vobis pono ✕, cuius virtute fortiter ligo vos, et præcipio, quod non ascendatis superius ad caput creaturæ, nec ad ejus membra, nec terreatis, aut lædatis eam vigilando, dormiendo, sedendo aut stando: sed sinatis eam orare, comedere, bibere, laborare, ambulare, quiescere, et omnia illa agere, quæ spectant ad honorem Dei, et salutem animæ et corporis ejus. In nomine Patris, et Filii, et Spiritus Sancti. R. Amen.

Præceptum imponendum egressi.

Præcipio vobis omnibus spiritibus immundis, qui egressi estis ex hoc corpore in nomine Smae. Trinitatis Patris, et Filii, et Spiritus Sancti, quod ad illum non redeatis, sed sitis ligati et privati à potestate ostendendi vos huic creaturæ, et faciendi illi aliquam illusionem tam phantasticam quam realem; nec possitis eam offendere, nec lædere in corpore aut in anima; nec denuo ad illam vexandam regredi, nec mittere alios dæmones loco vestri, sed sitis constricti supradicto præcepto ire ad sedes infernales, vel ad loca vobis deputata à Deo.

Ecce crucem Domini, fugite partes adversæ: vicit Leo de tribu Juda, radix David, Alleluia.

Gratiarum actio post expulsionem diaboli.

Hymnus: Te Deum laudamus, ut supra pag. 329.

Y. Confirmatio hoc Deus. R. Quod operatus es in nobis.
Y. Domine exaudi, etc. Y. Dominus vobiscum, etc.

OREMUS.

Gratias agimus tibi, Domine sancte, Pater omnipotens, æterne Deus; gratias agimus tibi Christe Verbum Patris, gratias agimus tibi Spiritus alme Deus; gratias agimus Sanctis omnibus, tam Angelis, quam hominibus; quia omnipotentis Dei virtute, per nos elisus est draco; Deus Abraham, Deus Isaac, Deus Jacob, miserere famuli tui quem à diabolica potestate liberasti: et in ejus adjutorium sanctum dirige Michaelem, qui eum protegat, visitet, atque defendat ab omnibus inimicis suis. Qui vivis, etc.

Per signum sanctæ Crucis, quo signo defendat te Deus ab omnibus malis præteritis, præsentibus et futuris, et libera te à persecutionibus diaboli, et ipse diabolus fugiat à te prosternatus. R. Amen.

Virtus sanctæ Crucis sit super te, ante te, circa te, post te, et in omnibus partibus tuis. R. Amen. Bene ✕ dicat tibi Deus, et custodiat te; ostendat tibi faciem suam, et misereatur tui; convertat vultum suum ad te, et det tibi salutem et pacem. R. Amen.

Benedictio loci in quo dormit Energumenus seu infirmus.

Y. Adjutorium nostrum, etc.
Y. Dominus vobiscum, etc.

OREMUS.

Bene ✕ dic, Domine, Deus omnipotens, locum istum, ut sit in eo sanitas, castitas, victoria, fortitudo, humilitas, bonitas, et mansuetudo, plenitudo legis, et gratiarum actio Deo Patri, et Filio, et Spiritui Sancto: et hæc benedictio maneat super hunc locum, et super habitantes in eo, Angeli tuæ lucis eum inhabitent, eumque et ejus habitatores custodiunt, et defendant contra omnes insidias inimici, et siquæ adversa et contraria sunt ab eo in hoc loco machinata et fabricata auctoritate Majestatis tuæ expellant. Per Dominum nostrum, etc. R. Amen.

OREMUS.

Propitiare, Domine, supplicationibus nostris, et bene~~¶~~ dicere digneris locum istum dextera tua sancta, et omnes qui in eo commorantur; illumque visitare et inhabitantibus gratiam sanitatis impartiri digneris, sicut benedicere dignatus es cubiculo et loco quo exceptus fuit hospitio Propheta Elisaeus, et sicut visitasti et sanasti socrum Petri. Mitte, Domine, sanctum Angelum tuum de cœlis, qui liberet et defendat hunc locum ab imminentibus malis cum omnibus qui in eo commorantur, nullaque eos nequitia contrariae potestatis infestet, sed virtute Spiritus Sancti fiat hic tibi debitum, et devota libertate securum servitum. Per Dominum, etc.
¶. Amen.

Benedictio Thalami in quo dormiunt Energumeni.

¶. Adjutorium nostrum, etc. ¶. Dominus vobiscum, etc.

OREMUS.

Bene~~¶~~ die, Domine Thalamum hunc, ut omnes habitantes in eo in tua pace consistant, et senescant, et multiplicentur in longitudinem dierum cum incolumentate mentis et corporis, et ad regna cœlorum perveniant. Per Dominum, etc.
¶. Amen.

OREMUS.

Creator et conservator humani generis, dator gratiæ spiritualis, largitor æternæ salutis: tu, Domine, emitte bene~~¶~~ dictionem tuam super hunc Thalamum, ut quicumque in eo requiescat in virtute cœlestis defensionis ad vitam æternam proficiat, et à suis languoribus et doloribus, omnibusque insidiis, et machinationibus diaboli et ministrorum ejus liberetur. Per Dominum, etc. ¶. Amen.

Benedictio incensi, ruthæ, et aliarum rerum, quibus Exorcista uti potest in conjurationibus.

¶. Adjutorium nostrum, etc. ¶. Dominus vobiscum, etc.

OREMUS.

Domine Deus omnipotens, cui adstat exercitus Angelorum cum tremore, dignare bene~~¶~~ dicere, et sanctificare hanc creaturam incensi (ruthæ, etc.) ut omnes languores spiritus maligni odorem incensi hujus, etc. sentientes fugiant procul, et separentur ab hac creatura N. quam redemisti pretioso sanguine tuo, ut de cetero non lædatur à morsu antiqui serpentis. Per te, Jesu-Christe, Salvator mundi, qui vivis et regnas, etc. ¶. Amen.

Benedictio ignis, quo comburenda sunt instrumenta maleficorum, quando inveniuntur, et nomen etiam dæmonis in papiro benedicta scriptum, ad eum cogendum ut exeat ab Energumeno.

¶. Adjutorium nostrum, etc. ¶. Dominus vobiscum, etc.

OREMUS.

Domine Deus omnipotens, cui assistit exercitus Angelorum cum tremore, quorum servitum spirituale et igneum esse cognoscitur, dignare respicere, bene~~¶~~ dicere, et sanctificare hanc creaturam ignis, ut eo combustis maleficii signis, omnes languores, omnesque infirmitates, atque insidiæ inimici effugiant, et separentur à plasmate tuo. Numquam lædatur à morsu antiqui serpentis, quod pretioso sanguine Filii tui redemisti. Qui tecum vivit, etc. ¶. Amen.

Benedictionem olei cum exorcismo, et alias benedictiones cùjuscumque medicinæ, potus, fructuum, etc., vide supra in hoc volumine.

FORMA EXORCIZANDI DOMUM A DÆMONIO VEXATAM.

(Ex Rit. Tarr. Vicen. Urg. et Ger.).

Sacerdos superpelliceo, ac stola violacei coloris indutus, cum aqua benedicta, aspersorio, et incenso, præmissa confessione, aut interna de peccatis contritione, ante domus, vel loci malig-

*nis spiritibus infecti ingressum sic se præmunit signo crucis,
et sequenti oratione:*

*In nomine Pa~~X~~tris, et Fi~~X~~lii, et Spiritus~~X~~Sancti.
R. Amen.
V. Adjutorium nostrum, etc.
V. Dominus vobiscum, etc.*

OREMUS.

Omnipotens sempiterne Deus, qui Sacerdotibus tuis tantam gratiam contulisti, ut quidquid in tuo nomine digne, perfecteque ab eis agitur, à te fieri credatur: quæsumus immensam clementiam tuam, ut quomodo visitatari sumus, visites, et quidquid benedicturi, bene~~X~~ dicas: et ad ea, quæ acturi sumus, dexteram tuæ potentiae extendas, sintque ad nostræ humilitatis introitum (Sanctorum meritis) fuga dæmonum. Per Christum Dominum nostrum, etc. R. Amen.

OREMUS.

Deus Angelorum, Deus Archangelorum, Deus Prophetarum, Deus Apostolorum, Deus Martyrum, Deus Confessorum, Deus Virginum, et omnium bene viventium: Deus et Pater Domini nostri Jesu-Christi, te invoco, et nomen sanctum tuum, ac præclaræ Majestatis tuæ clementiam supplex deposco, ut mihi auxilium prestare digneris adversus nequissimum spiritum, ut ubicunque sit, audito nomine tuo, velociter exeat, et recedat. Per Christum Dominum, etc.

R. Amen.

In ingressu domus vel loci infecti dicat: Conjuratio.

Adjuro te, serpens antique, per Judicem vivorum, et mortuorum, per factorem mundi, qui habet potestatem mittere in gehennam; ut ab hac domo festinus discedas. Ipse tibi imperat maledicte diabole, qui ventis, ac mari, et tempestatis imperavit. Ipse tibi imperat, qui te de supernis celorum in inferiora terræ demergi præcepit. Ipse tibi imperat, qui te retrorsum abire præcepit. Audi ergo, Satana, et time, et vicius, et prostratus recede, adjuratus in nomine Domini

nostri Jesu-Christi. Qui venturus est judicare vivos, et mortuos, et sæculum per ignem. R. Amen.

Postea dicentur sequentes Psalmi, interim undequaque domum aqua benedicta aspergendo:

PSALMUS CXIX: Ad Dominum cum tribularer clamavi, etc., *ut supra pag. 227.* **PSALMUS CXX:** Levavi oculos meos in montes, etc., *ut supra pag. 228.* **PSALMUS CXXI:** Lætatus sum in his, quæ dicta sunt mihi, *ut supra pag. 228.*

PSALMUS CXXII.

Ad te levavi oculos meos: * qui habitas in cœlis.
Ecce sicut oculi servorum: * in manibus dominorum suorum.
Sicut oculi ancillæ in manibus dominæ suæ: * ita oculi nostri ad Dominum Deum nostrum, donec misereatur nostri.
Miſerere nostri, Domine, miserere nostri: * quia multum repleti sumus despectione.
Quia multum repleta est anima nostra: * opprobrium abundantibus, et despicio superbis.

PSALMUS CLXXXIII.

Nisi quia Dominus erat in nobis, dicat nunc Israel: * nisi quia Dominus erat in nobis.
Cum exurerent homines in nos: * forte vivos degluttissent nos.
Cum irasceretur furor eorum in nos: * forsitan aqua absorbusset nos.
Torrentem pertransivit anima nostra: * forsitan pertransisset anima nostra aquam intolerabilem.
Benedictus Dominus: * qui non dedit nos in captionem dentibus eorum.
Anima nostra, sicut passer erepta est: * de laqueo venantium.
Laqueus contritus est: * et nos liberati sumus.
Adjutorium nostrum in nomine Domini: * qui fecit cœlum et terram.
Gloria Patri, et Filio, et Spiritui Sancto, etc.
Kyrie eleison. Christe eleison. Kyrie eleison. Pater noster.

- ŷ. Et ne nos inducas in temptationem, etc.
- ŷ. Domine, exaudi orationem meam, etc.
- ŷ. Dominus vobiscum, etc.

OREMUS.

Domum tuam, Domine, clementer ingredere, et in tuorum cordibus fidelium perpetuam tibi construe mansionem: et praesta ut in hac domo nulla malignorum spirituum dominetur nequitia. Per Christum Dominum nostrum. R. Amen.

Dicuntur etiam sequentes Psalmi, Sacerdote interim aspergente, ut supra:

PSALMUS CXXIV.

Qui confidunt in Domino, sicut mons Sion: * non commovebitur in æternum, qui habitat in Jerusalem.
Montes in circuitu ejus; et Dominus in circuitu populi sui: * ex hoc nunc et usque in sæculum.
Quia non relinquit virgam peccatorum super sortem justorum: * ut non extendat justi ad iniquitatem manus suas.
Benefac, Domine, bonis: * et rectis corde.
Declinantes autem in obligationes, adducet Dominus cum operantibus iniquitatem: * pax super Israel.

PSALMUS CXXV.

In convertendo Dominus captivitatem Sion: * facti sumus sicut consolati.
Tunc repletum est gaudio os nostrum: * et lingua nostra exultatione.
Tunc dicent inter gentes: * magnificavit Dominus facere cum eis.
Magnificavit Dominus facere nobiscum: * facti sumus lætantes.
Converte, Domine, captivitatem nostram: * sicut torrens in Austro.
Qui seminant in lacrymis: * in exultatione metent.
Euntes ibant, et flebant: * mittentes semina sua.

Venientes autem venient cum exultatione: * portantes manipulos suos.

PSALMUS CXXVI: Nisi Dominus aedificaverit domum, etc., ut supra pag. 220.

PSALMUS CXXVII: Beati omnes qui timent Dominum, etc., ut supra pag. 169.

PSALMUS CXXVIII.

Sæpe expugnaverunt me à juventute mea: * dicat nunc Israel.
Sæpe expugnaverunt me à juventute mea: * etenim non potuerunt mihi.

Supra dorsum meum fabricaverunt peccatores: * prolongaverunt iniquitatem suam.

Dominus justus concidit cervices peccatorum: * confundantur, et convertantur retrorsum omnes, qui oderunt Sion.
Fiant sicut fœnum tectorum: * quod priusquam evellatur, exaruit.

De quo non implevit manum suam, qui metit: * et sinum suum, qui manipulos colligit.

Et non dixerunt, qui præteribant, benedictio Domini super vos: * benediximus vobis in nomine Domini.

Gloria Patri, et Filio, et Spiritui Sancto, etc.

Kyrie eleison. Christe eleison. Kyrie eleison. Pater noster.

ŷ. Et ne nos inducas in temptationem, etc.

ŷ. Domine, exaudi orationem meam, etc.

ŷ. Dominus vobiscum, etc.

OREMUS.

Omnipotens sempiterne Deus, qui in omni loco dominationis tuae totus assistis, totus operaris: adesto supplicationibus nostris, ut hujus domus sis protector, nulla hic nequitia contrariæ potestatis assistat, sed virtute Spiritus Sancti et operatione, fiat tibi hic primum servitium, et devota libertas existat. Per Christum Dominum nostrum. R. Amen.

Deinde dicuntur sequentes Psalmi, ut supra interim aspergendo:

PSALMUS CXXIX: De profundis clamavi ad te Domine, etc.,
ut supra pag. 174.

PSALMUS CXXX.

Domine, non est exaltatum cor meum: * neque elati sunt
oculi mei.
Neque ambulavi in magnis: * neque in mirabilibus super me.
Si non humiliter sentiebam: * sed exaltavi animam meam.
Sicut ablactatus est super matre sua: * ita retributio in ani-
ma mea.
Speret Israel in Domino: * ex hoc nunc et usque in sæculum.

PSALMUS CXXXI.

Memento Domine David, * et omnis mansuetudinis ejus.
Sicut juravit Domino, * votum vovit Deo Jacob.
Si introiero in tabernaculum domus meæ, * si ascendero in
lectum strati mei.
Si dedero somnum oculis meis, * et palpebris meis dormita-
tionem.
Et requiem temporibus meis, donec inveniam locum Domi-
no, * tabernaculum Deo Jacob.
Ecce audivimus eam in Ephrata: * invenimus eam in cam-
pis silvæ.
Intròibimus in tabernaculum ejus: * adorabimus in loco, ubi
sternerunt pedes ejus.
Surge Domine in requiem tuam, * tu, et arca sanctificatio-
nis tuæ.
Sacerdotes tui induantur justitiam: * et sancti tui exultent.
Propter David servum tuum, * non avertas faciem Christi
tui.
Juravit Dominus David veritatem, et non frustrabitur eam: *
de fructu ventris tui ponam super sedem tuam.
Si custodierint filii tui testamentum meum, * et testimonia
mea hæc, quæ docebo eos.
Et filii eorum usque in sæculum, * sedebunt super sedem
tuam.

Quoniam elegit Dominus Sion: * elegit eam in habitationem
sibi.

Hæc requies mea in sæculum sæculi: * hic habitabo, quo-
niam elegi eam.

Viduam ejus benedicens benedicam: * pauperes ejus satura-
bo panibus.

Sacerdotes ejus induam salutari: * et sancti ejus exultatione
exultabunt.

Illuc producam cornu David: * paravi lucernam Christo meo.
Inimicos ejus induam confusione: * super ipsum autem efflo-
rebit sanctificatio mea.

PSALMUS CXXXII: Ecce quam bonum, et quam jucun-
dum, etc., ut supra pag. 320.

PSALMUS CXXXIII.

Ecce nunc benedicite Dominum: * omnes servi Domini.
Qui statis in domo Domini: * in atris domus Dei nostri.
In noctibus extollite manus vestras in sancta: * et benedici-
te Dominum.

Benedicat tibi Dominus ex Sion: * qui fecit cœlum et terram.
Gloria Patri, et Filio, et Spiritui Sancto, etc.

Kyrie eleison. Christe eleison. Kyrie eleison. Pater noster.
℣. Et ne nos, etc. ℣. Domine, exaudi, etc.
℣. Dominus vobiscum, etc.

OREMUS.

Deus, qui in omni loco dominationis tuae custos, et pro-
tector assistis, exaudi nos, quæsumus, ut inviolabilis hujus
domus permaneat bene~~ꝫ~~ dictio, et beneficia tui munera
universitas, quæ supplicat, mereatur. Per Christum Domi-
num nostrum. ℣. Amen.

*His dictis, in principaliori loco domus legatur sequens Evan-
gelium:*

℣. Dominus vobiscum. ℣. Et cum spiritu tuo.

℣. Sequentia Sancti Evangelii secundum Lucam.

℣. Gloria tibi Domine.

In illo tempore: ingressus Jesus, perambulabat Jericho. Et ecce vir nomine Zachæus, et hic princeps erat publicanorum, et ipse dives. Et quærebat videre Jesum, quis esset; et non poterat præ turba; quia statura pusillus erat. Et precurrens ascendit in arborem sycomorum, ut videret eum, quia inde erat transiturus. Et cum venisset ad locum; suscipiens Jesus, vidit illum, et dixit ad eum: Zachæe festinans descendit, quia hodie in domo tua oportet me manere. Et festinans descendit, et exceptit illum gaudens. Et cum viderent omnes, murmurabant, dicentes, quod ad hominem peccatorem divertisset. Stans autem Zachæus, dixit ad Dominum: Ecce dimidium bonorum meorum, Domine, do pauperibus: et si quid aliquem defraudavi, reddo quadruplum. Ait Jesus ad eum: Quia hodie salus domui huic facta est: eo quod et ipse filius sit Abrahæ. Venit enim Filius hominis quærere, et salvum facere quod perierat. **R.** Laus tibi Christe.

Evangelio finito, benedicat incensum hoc modo:

Per intercessionem beati Michaelis Archangeli, stantis à dextris altaris incensi, et omnium electorum suorum, incensum istud dignetur Dominus bene ✠ dicere, et in odorem suavitatis accipere. Per Christum Dominum nostrum. **R.** Amen.

Ponat Sacerdos incensum super ignem, et domum incensabit dicens:

Incensum istud à te benedictum ascendat ad te, Domine, et descendat super nos misericordia tua.

y. Domine, exaudi orationem, etc.

y. Dominus vobiscum, etc.

OREMUS.

Te Deum Patrem omnipotentem suppliciter exoramus pro hac domo, et pro habitatoribus ejus, ut eam bene ✠ dicere, et sanctificare digneris: ut sint promptuaria eorum plena, eructantia ex hoc in illud: tribue etiam eis de rore cœli abundantiam, et de pinguedine terræ vite subsidium, et desideria eorum ad effectum tuæ miserationis perducas, et ad

introitum nostrum hanc domum bene ✠ dicere, et sancti ✠ ficare digneris; sicut benedicere dignatus es Abraham, Isaac, et Jacob, ut inter parietes ejus, et angulos ejus inhabites. Per Christum Dominum nostrum. **R.** Amen.

OREMUS.

Visita, quæsumus Domine, habitationem istam, et omnes insidias inimici ab ea longe repelle: Angeli tui sancti habitent in ea, qui in pace custodiant: et benedictio tua sit supernos semper. Per Dominum, etc. **R.** Amen.

Postremo domum et habitantes benedicens, dicat:

Benedictio Dei omnipotentis, Pa ✠ tris, et Fi ✠ lii; et Spiritus Sancti descendat super hanc domum, et omnes habitantes in ea, et maneat semper. **R.** Amen.

EXORCISMI PRO TEMPESTATIBUS.

Cum primum viderit Sacerdos nubes atras et turgidas procéllam et grandinem minitantes, faciat pulsari campanas, quoniam ex suo sonitu, quia benedictæ sunt et nomine Ecclesiæ pulsantur, possunt et nubes dissolvere, et tempestates sedare, et omnes insidias inimici anteverttere. Et mox genuflexus ante SSma. Eucharistia Sacramentum compunctione et contritione cordis misericordiam Dei implore: et induitus superpelliceo et stola violacei coloris accipiat in manibus lignum Crucis (si in Ecclesia fuerit) vel aliam Crucem et alias Sanctorum reliquias; non autem SS. Sacramentum foras asportet; sed si opus sit, et detur sufficiens populi concursus, accensis luminibus et cæreo paschali ejus tabernaculum aperiat, ut, in tam immidente (ut supponitur) tempestatis periculo, rogationes ab universo populo coram Domino religiosius fiant, dum ipse Sacerdos præparata aqua benedicta cum aspersorio in loco ad id deputato facit exorcismos contra tempestates, fulgura, grandines, turbines, et alias temporum procellas. Sed si vis tempestatis major accessum ad dictum consuetum locum impediatur, Sacerdos exorcismos faciat in foribus Ecclesiæ, aut alibi, ubi commode poterit.